



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 229

DATUM: 21.10.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Informacije sa Četrnaeste sjednice
Predsjedništva Skupštine Saveza

Grad Rijeka domaćin studijske posjete
AMCS radne grupe

Podrška pružanju treninga visokih
standarda

Prezentovani rezultati savjetovanja
kreditno prezaduženih građana

U Mostaru održan okrugli stol
USAID/Sweden projekta FARMA II

Nova šetnica od zgrade Općine
Novi Grad do Nedžarića

Općini Jablanica uručene karte
„Stećci na listi Unesco svjetske
baštine

Načelnik Armin Halitović na sastanku
sa privrednicima

Obuka predstavnika jedinica lokalnih
samouprava i javnih vodovodnih
/ komunalnih preduzeća iz Fed-
eracije BiH

Najava održavanja dana općina i
gradova za mjesec novembar/
studen

Bilten Saveza općina i gradova Federacije Bosne i Hercegovine

INFORMACIJA SA ČETRNAESTE SJEDNICE PREDSJEDNIŠTVA SKUPŠTINE SAVEZA



Četrnaesta sjednica Predsjedništva Skupštine Saveza općina i gradova Federacije BiH održana je 19. oktobra/ listopada 2016. godine na Vlačiću. Na ovoj sjednici Predsjedništvo Saveza je informisano o tome da je Vlada Federacije BiH prihvatila Prijedlog Sporazuma o saradnji između Vlade Federacije BiH, Parlamenta Federacije BiH i Saveza općina i gradova Federacije BiH koji ima za cilj osigurati viši stepen saradnje između potpisnika Sporazuma prilikom izrade i usvajanja zakonskih propisa koji se tiču

jedinica lokalne samouprave. Kada su u pitanju aktivnosti vezane za tužbu Saveza općina i gradova Federacije BiH protiv Federacije BiH u vezi otplate kredita prema Međunarodnom monetarnom fondu, istaknuto je da će 23.11.2016. godine biti održano pripremno ročište vezano za ovaj postupak.

Članovi Predsjedništva su također upoznati sa predstojećim aktivnostima na realizaciji projekta uvođenja trezorskog poslovanja u jedinice lokalne samouprave u koji će biti uključeno 60 jedinica lokalne samouprave. Predsjedništvo je informisano i o odredbama Statuta Saveza koje se tiču procedura za pripremu Izborne skupštine Saveza i predlaganja kandidata u organe i tijela Saveza, kao i o realizovanim aktivnostima na Projektu „Jačanje lokalne demokratije (LOD IV)”. Održavanje sjednice Predsjedništva Skupštine Saveza podržala je Misija OSCE-a u Bosni i Hercegovini.

GRAD RIJEKA DOMAĆIN STUDIJSKE POSJETE AMCS RADNE GRUPE

U okviru projekta Podrška savezima općina i gradova – AMCS, koji implementira Savez općina i gradova Federacije BiH u saradnji sa Savezom općina i gradova Republike Srpske, a uz podršku Misije OSCE-a u BiH, predstavnici oba saveza u periodu od 17. do 20. oktobra 2016. godine boravili su u studijskoj posjeti Gradu Rijeci. Učesnici su posjetili Gradsku upravu, gdje ih je ugostio gradonačelnik Vojko Obersnel. U kratkom obraćanju i predavanju učesnici su se upoznali sa izazovima sa kojima se susretale lokalna vlast prilikom ulaska u EU. Prezentirane su dobre prakse i projekti iz oblasti EU integracija.





Drugi dan je učesnicima prezentirana uloga asocijacije gradova i općina u procesima EU integracija, gdje je predavač Marko Ercegović, uposlenik Udruge gradova Hrvatske, prezentirao proces integracija iz njihove perspektive. Predstavljene su dobre prakse iz oblasti borbe protiv korupcije, gdje je Doris Šajn, voditeljica Kabineta gradonačelnika prezentirala "Komunikacija s građanima i pravo na pristup informacijama", dok je Lea Stoilković Medved, Služba za medije i online komuniciranje, prezentirala "Transparentnost - najjače oružje u borbi protiv korupcije". Članovi Radne grupe obišli su i Informativni centar Grada Rijeke, Županijski centar za gospodarenje otpadom Marišćina, čija je izgradnja finansirana EU fondovima, te Regionalnu razvojnu agenciju Porin, u pratnji zamjenika gradonačelnika Rijeke Marka Filipovića.

PODRŠKA PRUŽANJU TRENINGA VISOKIH STANDARDA



Projekat „Lokalni lideri jugoistočne Evrope: Vodstvo za promjene (LL SEE) je kroz jedan generički i pet specifičnih treninga, a uz mentorstvo i podršku Mreže Asocijacija lokalnih vlasti jugoistočne Evrope (NALAS) – obučio je 33 trenera iz oblasti vodosnabdijevanja i odvodnje, te razvio program obuke sa visokim standardima kvalitete u svakoj fazi pripreme i izvođenja obuke za lokalne zajednica i javna komunalna preduzeća u jugoistočnoj Evropi.

Članovi Radne grupe obišli su Informativni centar Grada Rijeke, Županijski centar za gospodarenje otpadom Marišćina, čija je izgradnja finansirana EU fondovima, te Regionalnu razvojnu agenciju Porin, u pratnji zamjenika gradonačelnika Rijeke Marka Filipovića.

Paket treninga za lidere i menadžere sastoji se od:
Efikasna organizacija i efikasno upravljanje komunalnih usluga,
Pripreme infrastrukturnih investicionih projekata,
Razvoj infrastrukturnih investicionih projekata,
Realizacija infrastrukturnih investicionih projekata, i
Strateško planiranje i upravljanje programom.

U proljeće 2016. godine, članice NALAS –a iz četiri zemlje projekta: Hrvatska, Srbija, Bosna i Hercegovina i Makedonija su pripremili i proveli devet nacionalnih treninga, sa 157 polaznika. Učesnici su izrazili veliko zadovoljstvo za treninzima, ocjenjujući ih s prosjekom 5.6 (od 6), navodeći da je obuka veliki doprinos jačanju njihove kompetencije u upravljanju komunalnim uslugama, pripremi i realizaciji investicionih projekata.

Sada je vrijeme da se razmisli o obavljenom poslu i i pripremi za budućnost. Treneri su se sastali u Beogradu, 22. i 23. septembra 2016. godine, na Regionalnoj radionici za pružanje retrospektive, konsolidacije naučene lekcije i razmatranje perspektive. Treneri dijele svoja iskustva u pružanju obuke i praktično, primjenjujući znanje, stečeno tokom obuke trenera.

U Federaciji BiH pet osoba je prošlo program Obuke trenera. Treneri su dobili certifikate za učešće na treninzima.

Projekat "Lokalni lideri jugoistočne Evrope: Vodstvo za promjene" je podržan od Njemačke razvojne agencije (Deutsche Gesellschaft für Internationale Zusammenarbeit – GIZ)



PREZENTOVANI REZULTATI SAVJETOVANJA KREDITNO PREZADUŽENIH GRAĐANA

U Općini Stari Grad je 19. oktobra/ listopada održana prezentacija rezultata projekta savjetovanja kreditno prezaduženih građana. Općina Stari Grad se krajem prošle godine uključila u projekat savjetovanja prezaduženih građana, koji Međunarodna finansijska korporacija (IFC), članica Grupa Svjetske banke, provodi u općinama u BiH od 2010. godine. Glavni cilj ovog projekta je pronalaženje konstruktivnih rješenja za prezaduzene građane, putem besplatnog savjetovanja, koje uposlenici Općine Stari Grad Andrej Dizdarević i Dalila Gerin pružaju dva puta sedmično, ponedjeljkom i srijedom od 13 do 15 sati.

Upravo je Andrej Dizdarević predstavnicima Evropskog fonda za jugoistočnu Evropu, partnerima ovog projekta, prezentovao dosadašnje rezultate i načine rada. "Do ovog momenta smo imali 31 osobu koja nam se obratila za savjetovanje, od toga smo 27 slučajeva uspješno riješili", kazao je Dizdarević i dodao da su se susretali sa raznim vrstama problema sa kojima su im dolazili građani. "Možemo se pohvaliti da smo pomogli građanima koji su imali višegodišnja dugovanja, koja nisu nikako mogli vraćati, ali su nakon razgovora sa nama, te naknadno sa svojim finansijskim institucijama, uspjeli dogovoriti vraćanje duga na obostrano zadovoljstvo", dodao je. Predstavnici Evropskog fonda za jugoistočnu Evropu su iskazali zahvalnost i zadovoljstvo zbog dobrih rezultata, te obećali svoju podršku u nastavku ovog projekta, saopćeno je iz press službe Općine Stari Grad.



KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

U MOSTARU ODRŽAN OKRUGLI STOL USAID/ SWEDEN PROJEKTA FARMA II



U okviru projekta razvoja tržišne poljoprivrede FARMA II, kojeg financiraju američka i švedska vlada, s predstavnicima javnog i privatnog sektora u Mostaru je 19. oktobra/ listopada održan okrugli stol "Diskusija o prioritetima za razvojne intervencije". Cilj skupa je da se svim relevantnim akterima u sektoru poljoprivrede predstave ciljevi i planovi USAID/Sweden FARMA II projekta, te da se kroz diskusiju planovi usklade s

potrebama na terenu. "Projekt je započeo u siječnju ove godine. Ukupna vrijednost je 16,3 milijuna dolara, trajat će pet godina i pokriva teritoriju čitave BiH", kazala je zamjenica direktora USAID/Sweden projekta FARMA II Meriha Manojlović. Dodala je kako se u okviru provedbe projekta radi na povećanju konkurentnosti ukupnog sektora poljoprivrede, a fokus je na mljekarstvu, peradarstvu, ljekovitom bilju, voću i povrću te među. Ministar šumarstva, poljoprivrede i vodoprivrede Hercegovačko-neretvanske županije (HNŽ) Donko Jović podsjetio je kako je u tijeku izrada Strategije razvitka HNŽ-a te da se kao ministar zalaže da poljoprivreda i ruralni razvoj kao strateški ciljevi uđu u taj dokument. "Današnja panel diskusija i uopće projekt FARMA II dolaze kao 'kec na deset', odnosno dolazi baš u inicijativi koju svesrdno podupirem. Vjerujem da ćemo aktivnosti koje su predviđeni projektom FARMA II ugraditi kao određene mjere ili podciljeve u Strategiju razvoja HNŽ-a", ocijenio je ministar Jović. Marko Matić iz poljoprivredne zadruge Loznica Čapljina ističe kako su njihovi prvi kontakti sa smiljem i eko biljem bili vezani za projekt FARMA i da se puno toga uradilo u zadnjih godina te da im taj projekt uveliko pomaže u administrativnom dijelu poslovanja. Tijekom listopada i studenog 2016. godine USAID/Sweden FARMA II projekt organizira seriju okruglih stolova širom Bosne i Hercegovine, na kojima će se s lokalnim i regionalnim akterima iz sektora poljoprivrede otvoriti diskusiju o prioritetima za razvojne intervencije. Prije Mostara okrugli stolovi održani su u Zenici, Livnu i Goraždu, a slijede skupovi u Trebinju, Tuzli, Bijeljini, Brčkom, Bihaću, Doboju i Banjaluci.



Grb Grada Mostara



NOVA ŠETNICA OD ZGRADE OPĆINE NOVI GRAD DO NEDŽARIĆA



Šetnica uz Bulevar Meše Selimovića, od zgrade Općine Novi Grad Sarajevo do Nedžarića, dobila je potpuno novi izgled, a građani ljepše i ugodnije mjesto za šetnju i odmor.

Šetnica je u potpunosti redizajnirana, postavljene su nove ploče i klupe za sjedenje, kao i javna rasvjeta, te smjerokazne svjetiljke za označavanje biciklističke staze, tako da će sada šetačima i biciklistima biti ugodnije kretati se ovom dionicom u večernjim satima.

Zeleni pojas uz šetnicu upotpunjen je novim zelenilom, a zasađeno je i sezonsko cvijeće. Obzirom da se uz šetnicu nalazi niz platana zasađenih prije dvadesetak godina, a koji su izrasli u velika stabla, te da je prošle godine urađena biciklistička staza, sanacijom pješačkog dijela staze i postavljanjem javne rasvjete ovaj prostor dobio je jednu novu dimenziju.

„Radi se o centralnom dijelu naše općine, odnosno o prostoru uz glavnu saobraćajnicu, koji je od ratnih razaranja i dotrajalosti bio u neuglednom stanju, tako da smo pristupili sanaciji pješačkog dijela staze. Naši stanovnici dobili su jedan lijep prostor za šetnju i put od posla do kuće“, kazao je načelnik Općine Novi Grad Sarajevo Semir Efendić, prilikom današnjeg obilaska obnovljene šetnice.

Uređenje i redizajn šetališta, u dužini nešto većoj od jednog kilometra finansirala je Općina Novi Grad Sarajevo sredstvima u iznosu od 215.000 konvertibilnih maraka.



Grb Općine Novi Grad Sarajevo

OPĆINI JABLANICA URUČENE KARTE „STEĆCI NA LISTI UNESCO SVJETSKE BAŠTINE“

Općini Jablanica su uručene karte „Stećci na listi UNESCO svjetske baštine“, koje će uz besplatnu mobilnu aplikaciju UNESCO-ve spomeničke vrijednosti i svjetske baštine u jablaničkom kraju biti još dostupnija gostima i namjernicima. Tim povodom Općinski načelnik Salem Dedić, u ponedjeljak 24. oktobra/ listopada 2016. godine izvršio je prijem prof. Đani Rahimića koji ga je upoznao sa ciljevima i realizacijom projekta te uručio odeđenu količinu karata koju je u sklopu projekta Stećci na listi UNESCO svjetske baštine realiziralo Brdsko-Biciklističko udruženje MTBA Mostar čiji je Rahimić predstavnik.



Projekat je realiziran uz pomoć Ambasade SAD u BiH. Takođe, u sklopu projekta utrađena je i besplatna aplikacija za mobilne aparate koja sadrži sve neophodne podatke za svaki od 20 nacionalnih spomenika koji su u julu mjesecu o.g. od strane UNESCO-a proglašena svjetskom baštinom. Prijemu profesora Rahimića prisustvovala je i Pomoćnik općinskog načelnika i šef službe za lokalni ekonomski razvoj i investicije, finansije i trezor Amela Muratović. Općinski načelnik se zahvalio profesoru Rahimiću na poklonu koji će svakako dobro doći u sveukupnoj afirmaciji jablaničkih turističkih potencijala, a nekropole stećaka pod zaštitom UNESCO-a Dugo polje na Risovcu, posebno. Profesor Rahimić je naglasio da je projekat nastao sponatano, kao posljedica spoznaje na biciklističkim brdskim turama po mjestima širom BiH, i želi biciklista u udruženju da se afirmišu vrijednosti i prirodne ljepode naše domovine. Srećna je okolnost, kaže Rahimić da je naša ideja podržana od strane ambasade SAD u BiH, kojima se i ovom prilikom zahvaljujem.

Općini Jablanica su uručene karte „Stećci na listi UNESCO svjetske baštine“, koje će uz besplatnu mobilnu aplikaciju UNESCO-ve spomeničke vrijednosti i svjetske baštine u jablaničkom kraju biti još dostupnija gostima i namjernicima.

U sklopu projekta urađena je i besplatna aplikacija za mobilne aparate koja sadrži sve neophodne podatke za svaki od 20 nacionalnih spomenika koji su u julu mjesecu od strane UNESCO-a proglašena svjetskom baštinom.

NAČELNIK ARMIN HALITOVIĆ NA SASTANKU SA PRIVREDNICIMA



Općinski načelnik Armin Halitović sa voditeljima nadležnih općinskih službi upriličio je 20. oktobra/ listopada sastanak sa privrednicima općine Bosanska Krupa na kojem ih je pozvao na intenzivniju saradnju u narednom periodu, saradnju koja će biti osnova za budući razvoj, tj. realizaciju razvojnih projekata. Veliki broj privrednika se odazvao pozivu i izrazio zainteresiranost kada je u pitanju trasiranje puta za čvršću saradnju lokalne uprave i nosilaca privrednog razvoja općine u narednom periodu. Načelnik Armin Halitović je pozdravljajući privrednike kazao da je prvi korak koji treba poduzeti osnivanje kvalitetnog udruženja privrednika u

Bosanskoj Krupi ili aktiviranje rada udruženja poduzetnika koje je u ranijem periodu radilo, naglašavajući da osnove za kvalitetnije, agresivnije i poduzetnije angožavanje privrednici imaju jer imaju opremljene prostorije u Bosanskoj Krupi. „Danas smo pričali o budućim projektima u općini Bosanska Krupa, dotakli smo se udruženja privrednika koje možemo animirati za popunjavanje aplikacije kako bi putem projekata i svježih sredstava unaprijedili svoju proizvodnju. Ono što je najbitnije u lokalnoj upravi čuli smo glas privrednika“, rekao je na sastanku načelnik Halitović. Privrednici su na sastanku upoznati sa redovnim analizama vezanim za poslovni sektor, te potrebom za stalno anketiranje i popunjavanje aplikacija koje su neophodne za učešće lokalne uprave u brojnim razvojnim projektima. „U posljednje vrijeme smo aplicirali sa mnogim projektima koje ne možemo realizirati bez dobre saradnje između poslovnog sektora i jedinice lokalne samouprave.

OBUKA PREDSTAVNIKA JEDINICA LOKALNIH SAMOUPRAVA I JAVNIH VODOVODNIH/ KOMUNALNIH PREDUZEĆA IZ FEDERACIJE BIH

U toku mjeseca novembra SOGFBiH će održati dva treninga za oko četrdeset predstavnika JLS i JKP sa područja Federacije BiH na temu „Priprema i implementacija infrastrukturnih investicijskih projekata u oblasti vodosnabdijevanja, odvodnje i prečišćavanja otpadnih voda“. U okviru priprema za organizaciju treninga na nivou BiH, Savez općina i gradova Federacije BiH je izvršio prethodnu procjenu: a) statusa implementacije projekata u oblasti vodosnabdijevanja i odvodnje otpadnih voda i b) potreba JLS za jačanje kapaciteta i specifičnim obukama za uposlenike u JLS i JVP/JKP iz Federacije BiH; c) Individualnu procjenu kapaciteta predstavnika JLS i JVP/JKP prijavljenih za dvodnevnu obuku. U skladu s rezultatima prethodne procjene stanja, stručni tim trenera, uz podršku SOGFBiH je kreirao koncept specifične dvodnevne obuke za predstavnike odabranih JLS i JVP/JKP sa sljedećim ciljevima:

- Unaprjeđenje znanja i razumijevanje ključnih aspekata u procesu pripreme infrastrukturnih projekata koje finansiraju međunarodne finansijske institucije,
- Postizanje jednakog razumijevanja i nivoa znanja o ključnim aspektima implementacije infrastrukturnih projekata i procedurama međunarodnih finansijskih institucija,
- Razmjena iskustava i naučenih lekcija u pripremi i implementaciji Projekta odvodnje i prečišćavanja otpadnih voda.

Treninzi se sprovode u sklopu projekta „Lokalni lideri u Jugoistočnoj Europi-vodstvo za promjene“ (LLSEE) koji se implementira u saradnji sa Mrežom lokalnih vlasti Jugoistočne Europe (NALAS) i asocijacijama gradova i općina iz Srbije, Hrvatske i Makedonije, a koji ima za cilj poboljšanje upravljanja, vodstva i kapaciteta općina i javnih vodovodnih/komunalnih preduzeća (JVP/JKP) u Jugoistočnoj Europi. Projekat podržava Njemačka agencija za međunarodnu saradnju (GIZ).

Više informacija o LLSEE projektu je na sljedećim linkovima:

<https://www.youtube.com/watch?v=a-il5kikj70>

<https://www.youtube.com/watch?v=LfcWpRzOFyc>

<https://www.youtube.com/watch?v=rS7mUnvGRL4>



Grb Općine Bosanska Krupa

KORISNI LINKOVI ZA PREDPRISTUPNE FONDVE EU:

www.southeast-europe.net

www.adriaticpacbc.org

www.interregadriatico.it

www.europa.ba

www.cbib-eu.org

www.cbc-bih-mne.org

www.srb-bih.org

www.cbc-cro-bih.net

www.programmed.eu

www.tacso.org

www.euroinfocentar.ba

www.balkanfund.org

www.eurelmed.com

www.eacea.ec.europa.eu



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



NAJAVA OBILJEŽAVANJA DANA OPĆINA I GRADOVA ZA MJESEC NOVEMBAR/STUDENI

17. novembar/studeni - Dan Općine Čelić. Na taj datum 1991. godine putem referenduma 99% stanovništva se izjasnilo za izdvajanje iz sastava opštine Lopare i SAO Semberija i Majevica.

18. novembar/studeni - Dan Općine Grude. Na ovaj datum 1991. godine osnovana je Hrvatska zajednica Herceg-Bosna, kao politička, kulturna, ekonomska i teritorijalna organizacija hrvatskog naroda u BiH.

21. novembar/studeni - Dan Općine Drvar. Ovaj datum je prihvaćen za obilježavanje dana Općine Drvar s obzirom da je tog dana 1995. godine potpisan Dejtonski mirovni sporazum.



Čelić



Grude



Drvar

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

